



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



**Bo ntlafatsa
lihoai**

**Setso se'a
eketsoa**



LI BUOA KA MARANG-RANG



Access Our Books on Akello Library!

Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore



<https://library.akello.co/downloads>

Follow the link

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597

MOELETSI

Tloheleng ho thetsoa

Letona la tsa Machabeng le fane ka lehlakore la 'muso mabapi le lipuo tse hlalileng ho a mang a Maselinyana, hore Naha ea Lesotho e entse boitlamo bo itseng mabapi le lekhetho la thekiso ea thepa le behiloeng ke Naha ea Amerika. Letona le hlalosa hore kamor'a hore Presidente ea Amerika Donald Trump a phatlalatse litheko tseo, 'muso o ile oa atamela Ntlo ea Boemeli ba Amerika Lesotho hore na ekaba ho sebelisitsoe sekala sefe ho beha litheko. Ke moo ho itsoeng ba ngole fatše lintlha tsohle tseo ba lakatsang hore li buoe. 'Me hofihlela ha joale ba ntse ba emetse karabo ho tsoa 'Musong oa Amerika mabapi le kopano e tla tšohla lintlha tsohle tseo.

Ka hona ha ho 'nete ho hang litabeng tsa hore Lesotho le entse boitlamo bo itseng Naheng ea Amerika, Basotho ba tlohele ho mamela mafofisa ano a reretsoeng ho senya 'muso lebitso. Bohle ha re emeleng kopano ebe mohla e keneng re tla fuoa tlaheho ka likateng tsa eona.

Basotho ke batho ba ileng ba tuma haholo ka ho etsa matsema haholo ho etsa mesebetsi ea masimong joaloka ho hlaola, ho kotula kapa ho pola. Matsatsing ana taba eo e shebahala e qephile haholo, lekanyane ho se ho phela le liritse, ha ho tsuonyana phatela 'ngoe. Leha ho le joalo, ho ntse ho e-na le ba ileng ba hopola metheo eaba b'a ikopanya, 'me ha ho potang taba eo e ile ea ba tsoalla namane e tšehali. Ba motlotlo ho rohaka tlala e neng e se e patetse malapeng a bona, ba ile ba ikopanya 'me ba tseba ho lema meroho le ho ithuta ka leruo la likolobe. Kajeno ba ja mefufutso tsa phatla tsa bona, ba tseba ho rekisa ho fepa malapa. Taba ena e qholotsa bohle ba ntseng ba lutse ho phahama, ho ikopanya ka se senyenyane seo ba nang le sona, hobane batho bao ba qalile feela ka M100.00 motho ka mong. Basotho sebelisang likelello tseo Morena a le fileng ho hlola mathata a kajeno.

Lekala la Tekano, Bacha le Ntšetsopele ea sechaba le thehile morero o mocha o tšehetsang batho ba ileng ba ntšoa kahar'a sesiu sa NISSA. Ketso ena e hloka ho tholetsoa kaha batho bao ba sa lahloa kherehloa, hobane morero ka likarolo tsa ona o tla thusa Basotho. Karolo ea pele ke eo ho tla thusoa bahloki ka mokhoa oa ho iqalla likhoebo, ea bobeli ke ntlafatso ea bana ba nang le bokooa ka ho ba tšehetsa hore ba tsebe ho ea sekolong ebe ho thusoa batho ba baholo ba ka bang 2,500 ka palo ho iqalla mesebetsi ea boipheliso.

Ka lehlakoreng le leng, re bona tsoelopele e kholo litsing tsa Batšoarua Lesotho (LCS), moo ho seng ho tla buoa linyeoe ka marang-rang. Raliphatlatlatso oa LCS o hlalosa hore taba ena e tlo fokotsa litšenyehelo tsa ho tlosa batšoarua litsing ho ba isa makhotleng letsatsi le letsatsi. Hape ka lebaka la ho fokola ha bahlanka ba LCS ba sebetse kathata haholo hoo ka letsatsi ho eang ba 100 makhotleng ho isa batšoarua. Letona la Toka le itse chelete e tla bolokoa e tla sebelisoa lintlheng tse ling tsa bohlokoa joaloka ho rekela batšoarua lijo. La bontša hore takatso ea 'muso ke ho ntlafatsa le ho bona hore litaba tsa toka li tsamaea ka thello.

Re kopela bohle Mokiteng ona oa Tsoho ea Morena e leng Paseka boithlahlobo bo tebileng, ka hoo ha re kopanyeng mahloko a rona le a Kriste 'me re thakhiseng libe tsohle sefapanong sa hae. Re tsebe ho phelisana ka khotso, thabo le lerato re tšehetsana joaloka bana ba motho. Ha re sieng le ho qhelela makhopo ohle kathoko, re jarolle lijoko tse imelang le ho sithabetsa maikutlo a rona, hoo qetellong re sitoang ho utloa boteng ba Morena bophelong ba rona. Khanyang ka khalalelo, le halalele joalokaha ntat'a lona ea Maholimong a halalela. Paseka ea selemo sena e ke ebe e molemo ka hore e re fetole, e nolofatse lipelo tsa rona 'me re be bana ba Molimo ba lokelang mahlong a hae.

MOLIMO A BOLOKE LESOTHO LE BASOTHO

AICOV e siela sechaba bokamoso

Nthabeleng Seitlheko

Leha Morero oa Ntlatfatso ea Sechaba oa ho fana ka thuto ka litaba tsa ho iketsetsa khahlanong le boemo ba phetoho ea leholimo oa lilemo tse 'ne o fihla pheletsong, WFP Country Director o supile hore ho tla ba le morero oa bobeli kaha ba atlehile ho fu-



mana tšehetso ea ona ho tloha ho Adaptation Fund. Litaba tsena o li hlalositse 'mokeng oa la 15 'Mesa monongoaha.

Moemeli oa WFP Lesotho, Elliot Vhurumuku, o re e qalile ho sebetsa kahar'a naha ho tloha selemong sa 1960, 'me ha joale Basotho ba tobane le tlokoetsi ea tlhokahalo ea lijo le boemo ba phetoho ea leholimo e leng se etsang hore ba kenye letsoho kaha boholo ba libaka li ile tsa angoa ke komello.

O itse morero ona o sebelise bonyane lilemo tse hlano 'me Lesotho le tobane le komello le lipula tse matla le mocheso o holimo, e leng se etsang hore tlhokahalo ea lijo e aparele naha, hape 7% ea sechaba e itšetlehile temong haholo e ka lithabeng.

O supile hore hona ho baka hore Naha ea Lesotho e reke lijo tse ngata ho ea Afrika Boroa ka lebaka la tlhahiso e tlaase ea lijo. A re ke bonyane Basotho ba 300,000 ba angoang ke tlhokahalo ea lijo naha ka bophara, ha selemong sa 2024 'Muso oa Lesotho o ile oa phatlalatse hore bonyane sechaba se 700,000 se tlokoetsing ea tlala le tlhokahalo ea lijo, ka lebaka la ho ameha ha temo ke komello ea nako eo.

A re ba thabetse ho tsoelapele ka morero oa bobeli o tlo tšehetsoa ke Adaptation

Fund, 'me boikarabello ba bona ke ho fana ka litlaleho le ho alosa tšebeliso ea lichelete.

Leha ho le joalo, o re o ithutile hore ho hloka hahala ho pharalatsoe mebaraka sebakeng sa sechaba se keneng morerong ona, e le hore tlhahiso ea bona e be matla ba tsebe ho kenya letsoho kho-

phetoho ea boemo ba leholimo oa AICOV oa lilemo tse 'ne ke ho bontša mesebetsi eo ba e fihletseng le ho bontša me-laetsa le mekhoea e mecha.

Morero ona, o tšehelitsoe ke WFP le Adaptation fund, hore ho ntlafatsoe boiketsetso ba malapa a tlokoetsing mol-emong oa hore ao a tsebe ho ithahisetsa lijo le ho kena khoepong.

Molula-Setulo oa Komiti ea Boiketlo ba Sechaba, Moeketsi Motšoaane o thoholelitse Lekala la Tikoloho le Meru ka ho arolelana mesebetsi eohle le komiti, 'me taba ea bohlokoa ke hore sechaba ha se fuoe lithuso se etse mere-ro ea moshoelella hore lithuso ha li ile tsa ba teng mesebetsi e bonahale ka litholoana.

A re qetellong ba lokela ho ba le naha e se hloka mekitlane, e ntlafatsang boipheliso ba sechaba hore bokamoso ba naha bo tsoelepele.

Ka lehlakoreng le leng, litsebi litabeng tsa liphuputso kamor'a tšebetso ea morero, Prof. Makoala Morake ho hlaha Sekolong se Seholo sa Sechaba (NUL) o supile hore bacha ba fokola haholo ka palo kahar'a morero ka lebaka le hona ho ka etsa hore tsoelopele ea ona metseng ntlheng ea mesebetsi ea boipheliso le bointlafatso e se atlehe. Hobane ha palo ea bona e le ngata ho ntlafatsa kutloisiso le kholo liqetong.

Morero o atlehile ho aha sethala se matla sa ho thusa sechaba ho setlela le nakong ea liqholotso tse tlosoang ke phetoho ea boemo ba leholimo. Bokamoso ho bonahala e le bochabileng sechabeng sa Lithakaling Seterekeng sa Mohale's Hoek le Ha Mohla-koana Seterekeng sa Quthing.



Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesetsa Rakubutu

(+266) 6203 1949 / 58490670

EMAIL: editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšelisio Thakholi

58 540 853/ 63 480 404

Production Desk: 'Mateele Liqa

Linyeoe li tla buoa ka marang-rang

Nthabeleng Seithleko

Ele ho ntlafatsa tšireletso ea bats'oaruoa le sekhahla se holi-

Tlhabollo ea Batšoaruoa (LCS) li kene mokhoeng o mocha moo motšoaruoa a tla shebella nyeoe a ntse a le setsing ka tšebeliso ea marang-rang. Litaba tsena li boletsoe ke Raliphatlalatso oa LCS, Pheko Ntobane, ka

ba imeloa ke palo e holimo ea ho isa batšoaruoa makhotleng letsatsi le letsatsi hobane ba fokola ka palo le khaello ea lisebelisoa e le qholotso. Ke bonyane bahlanka ba ka holimo ho 100 ba eang Makhotleng ka

beha le tšireletso tloksing hobane sebaka seo batho ba fihlelang ho sona Makhotleng se senyenyanane, ka hona mokhoa ona o tlo' thusa kholong ea naha kaha e le khale linaha tse ling li sebelisa marang-rang ho bua li nyeoe.

A re hape ho boetse ho tlo' theola litšenyehelo tsa nyeoe hobane ba tla ba le seabo litabeng tsa linyeoe ke motšoaruoa, 'Maseterata, Mochochisi le mophatlalatsi oa litaba. Hona ho tlo' tsamaisa litaba tsa kabo ea toka ha bonolo.

Litaba tsena ntle le ho boloka lisebelisoa li susumelitsoe ke boitšoaro bo bonahalang ba batšoaruoa ba ipolaeang, 'me sena se etsahehetse Lekhotleng la Tšifa-li-Mali Leribe moo motšoaruoa a ileng a tsubella ka fenetere lekhotleng moo a ba a felloa ke bophelo.

A re ho thusa polokehong ea bophelo ba motšoaruoa hore a tle a se ke a iphumana a hlasetsoe ke balli, hobane bophelo ba motšoaruoa bo bohlokoa ho sa natsoe phoso eo a e entseng. O re taba ena ba bona e etsahalla e mong oa batšoaruoa ea ileng a bolaea ngoana le

mohlankan'ae Ha Leqele e le mosebetsi oa lapeng, eo a ileng a otloa ka mpama ke e mong oa ba neng ba utloisitsoe bohloko ke ketsahalo eo.

Mokhoa ona o mocha o se o sebetsa Maseru Setsing sa Tlhabollo ea Batšoaruoa sa Banna le Basali, 'me o tla sebelisoa literekeng tse ling.

Ka lehlakoreng le leng, Letona la Toka le Molao, Mohlomphehi Richard Ramoeletsi o hlalositse hore maikemisetso a bona ke ho bona hore linyeoe li buoa ka nako ka tšebeliso ea marang-rang le ho theola litšenyehelo tsa ho tsamaisa batšoaruoa nako le nako kaha litsi li na le khaello ea likoloi.

A re ba tla ka mekhoe e mecha e tla nlofatsa mosebetsi litabeng tsa kabo ea toka hobane batšoaruoa ba bangata. Ka hoo o re chelete e seng e bolokiloe e tla thusa phepong ea batšoaruoa le ntlafalo ea bona. E le 'Muso oa Lesotho o bontšitse ba ikemiselitse ho sebetsa ka thata ho bona hore naha e'a ntlafala litabeng tsa kabo ea toka.



mo sa palo e isoang khotla letsatsi le letsatsi, Litsi tsa

la 14 'Mesa monongoaha. O re bahlanka ba habo

beke. O supile ha taba eo e

Lesotho ha le e-s'o itlame-Mpotjoane

Nthabeleng Seithleko

Muso oa Lesotho o hlalosa likamano tsa oona le oa Amerika mabapi le lekhetho holima thepa e tsoang naheng e 'ngoe le e kenang, ka la 14 'Mesa Monongoaha.

O re o etse hloko haholo litaba tse se nang motheo tse tlalehiloeng ke le leng la Maselinyana le bitsoang Mother Jones mabapi le lipuisano tsa mebuso ena e 'meli tabeng ea lekhetho la khoebisano.

Letona la tsa Machabeng, Mohlomphehi Lejone Mpotjoane o itse 'Muso oa Lesotho o ile oa ts'oara phutheho le boemeli ba Amerika Lesotho ho utloisisa ka botlalo hore na lekhetho la 50% le fihletsoe joang, 'me muso o ile oa ngola lengolo ka la 7 'Mesa le kopang puisano e potlakileng lipakeng tsa naha tsena tse peli ka sepheo sa hore litefiso li theohe kaha li ka ama tlhahiso ea thepa ea Lesotho e eang Amerika, 'me sena se ka ama moruo oa Naha ea Lesotho kaha lifeme li ka koala le batho ba felloa ke

mesebetsi.

O boletse ha lengolo leo le totobatsa hore 'Muso oa Lesotho o tla hlaloba bocha lekhetho leo o le phatlalaltseng ho World Trade Organization (WTO) pound tariffs ho tloha ho 79.4% ho theolela ho SACU tariffs ea 7.5%, 'me 'Muso oa Lesotho o malala-a-laotsoe ho kopana le oa Amerika ho sheba le lithibelo tseo eseng tsa lekhetho eleng tse ka sitisang likhoebo esita le thepa e tsoang Amerika ho kena Naheng ea Lesotho.

O boetse a hlalosa hore lekhetho le phatlalaltseng



eng la WTO la 79.4% ha le e-s'o kenngoe tšebetsong kapa ho sebelisoa thepeng e tsoang Amerika.

O phethetse ka hore boemeli ba Naha ea Lesotho Amerika bo ntse bo setse morao kopu ea phutheho e potlakileng, ha 'Muso oa Amerika o kopile oa Lesotho ho romela tokomane ea lethathamo la lintlha tsohle tseo o batlang hore ho kenoe lipuisanong ka tsona, 'me o ntse o emetse hore oa Amerika ho fana ka letsatsi la lipuisano, ka hona ke mafofisa hore 'Muso oa Lesotho o entse boitlamo ba mofuta ofe kapa ofe kaha ho e-s'o be le lipuisano.

Ka lehlakoreng le leng, Mokhatlo oa Bahoebi ba

Ikemetseng Lesotho o re katoloso ea matsatsi a 90

tefiso ea lekhetho la theko ea thepa ke taba ea nakoana, ka hoo 'muso o lokela ho nka boikhatatso ba ho tsomela Basotho mebaraka linaheng tse ling pele ho mpefala, hobane ha nako eo e fela ba tlo' kopana le mathata a thepa e ka litjeo li phahameng ebe khoebo e'a ameha.

Molula-Setulo oa Mokhatlo ona, Thabo Qhesi, o itse Lesotho le lokela ho batla mokhoa oa ho sebelisana le linaha tse ling tse kang Japan ho hoebisana le tsona ka thoko ho Amerika. A re e bang Amerika e sa theole likotlo tseo ho Lesotho ho tlo' ba boima kaha boholo ba sechaba bo tlo' lahleheloa ke mesebetsi.



RE TŠEHETSA BACHA



Tšeliso Thakholi

Ho'a hlokahala hore bacha ba ele hloko hore ha ho seo naha kapa bona ba ka intšang boemong bona bo nyarosang ba tlala le tlhokahalo ea mesebetsi ha e se ka ho iqalla likhoebo tse fapakaneng. Ba boetse ba lokela ho ela hloko hore ha se ka chelete e ngata feela ba ka tsebang ho qala likhoebo. Ka bonyane boo ba nang le bona ba ka tseba ho qala likhoebo, joaloka Boitumelo Phafoli le Setefane Ramanehella ba qalileng khoebo ea leruo la likolobe ka kolobe e le 'ngoe. Khoebo ea bona e ile ea potlaka ea hola, 'me e se e le bahlahisi ba malinyane a likolobe le ho nyalisa mofuta o itseng oa kolobe ka o mong.

Bona ba iphelisa feela ka ho hlahisa le ho nyalisa malinyane a likolobe ka litheko tse tlase haholo. Mefuta ea malinyane ao ba hlahisang ke Duroc, Landrace, Berkshire, Largewhite le tsa Sesotho. Bacha bana ba seng ba hatetse pele haholo ka khoebo ea bona ba re phetela ka tsa tšebetso ea

bona.

Qaleho

Re qalile khoebo ena ea rona ka kolobe e le 'ngoe ka selemo sa 2018 re sebeletsa lapeng habo Phafoli mane motseng oa Qoaling, e leng moo re ntseng re sebeletsa hona teng le kajeno ka lebaka la botle, boholo ba sebaka le tšireletso e ntle bakeng sa lihlahisoa tsa rona. Re qalile re rekisetsa batho ka bo-mong malinyane ho fihlela hajoale moo re seng re rekisetsa e 'ngoe ea likhoebo tse kholo. Ntle ho mona re boetse re tliil'o qala khoebo e 'ngoe ea thekiso ea meriana ea liphoofole haholo-holo ea lintja, likhomo tsa lebese le likolobe.

Le susumelitsoe ke'ng ho qala khoebo ea mofuta ona?

Bobeli ba rona re ile ra felloa ke mosebetsi moo re neng re sebetsa teng, ho e 'ngoe ea matlo a lino le lijo, 'me ra nka nako e telele re sa sebetse. Leha ho le joalo re bile le liqholotso tse ngata pele re bona hore na re ka qala khoebo ena ea rona joang, molemong oa hore re tle re 'ne re tsebe ho phelela. Qholotso e ka sehlohong e bile chelete ea ho qala. Lehlohonolo ke hore 'na ke ne ke se ke ntse ke e-na le

likolobe tsa Sesotho. Ha li qeta ho tsoala ke hlaba ke itjella nama. Athe ntse ke lahla taemane ke e tšoare ka matsohong. Hangata u tla fumana hore re le bacha re na le lintho tse ntle tseo re ka iphelisang ka tsona, empa re hloka tsebo ea hore lintho tsa mofuta o joalo li ka re phelisa. Ha litaba li le tjena ra ikopanya ra ntša M500.00 motho ka mong ra reka lelinyane la kolobe e bitsoang Largewhite. Eaba ke qaleho ea khoebo ea rona.

Na le na le litsebo tsa



khoebo?

E, ntate! 'Na ke na le litsebo tsa meriana ea liphoofole, ha eena a na litsebo tsa leruo la likolobe. Ra qala ho sebetsa 'moho le ho arolelana litsebo tseo re nang le tsona. Ka mantsoe a mang taba ena ea hore bacha ba ikopanye ka litsebo tseo ba nang le tsona, e bohlokoa haholo ke e bone ka rona hore e ka re tsoela molemo. Leha re il'o batla lithuso ho bafani kapa 'musong ha feela re ikopantse ho ba bobebe haholo ho thusoa ho e-na le ha motho a ea a le mong.

Le ka re'ng ka batho ba ratang ho etsisana ntlheng ea likhoebo?

Ke 'nete hore Lesotho mona re hlokometse hore hangata batho ba rata ho etsisana, ka ho etsa khoebo e le 'ngoe e tšoanang. Mohlala ke litoropong tse kholo moo o fumanang batho ba e-na le likhoebo tse tšoanang toropo kaofela. Rona re ile ra qala pele ka ho etsa boithuto ba hore na sechaba se hloka'ng le mefuta ea likhoebo tseo ba nang le tsona malapeng. Ra bona hore ke palo e fokolang haholo 'me ke ha re tla qala ho rua likolobe tse ntlafalitsoeng.

Ho tloha le qalile na kholo e teng?

Kannete ho tloha re qalile kholo ea mosebetsi oa rona e teng, hoba re se re e-na le 'maraka o motle haholo.

Oa pele ke oa batho ka bo-mong le mekhatlo.

Takatso ea lona ke efe?

Re lakatsa ho bona khoebo ena ea rona e holile ho feta mona. Re batla hore re iphumane re rekisa malinyane kantle ho naha, re batla ho ba le selakhapane se rekisang mefuta eohle ea nama ea kolobe. Re boetse re tliil'o ntšetsapele lithuto tsa rona tsa tlhokomelo le paballo ea likolobe.

Boipiletso ba lona e ka ba bofe ho 'muso?

Re kopa 'muso o kenye letsoho ka matla a maholo ho tšehetsa likhoebo tsa bacha le ho tataisa ba ratang ho kena khoebong. Re kopa ho buloe selakhapane se sehlo sa nama Khubetsoana bakeng sa ho hlaba liphoofole le ho phuthela nama ka tsela ea boemo bo phahameng.

Le ka re'ng ho bacha?

Re hlokometse hore khaello e kholo haholo ea mesebetsi naheng ena, 'me sohle se senyenyane seo bacha ba ka se fumanang ba itelle sona, bakeng sa ho ithehela likhoebo. Bacha emang fatše le iketsetse mesebetsi hobane kannete hona joale hoa bohanela hore re kahar'a tlokotsi e kholo ea tlhokahalo ea mesebetsi. Ha se boikarabello ba 'muso le batsoali feela, le lona le le bacha le lokela ho nka boikarabello ba ho itlhlahisetsa mesebetsi.

Listen To Us Here

92.6 fm

bokamoso

Mafeteng
Mohale's Hoek
Qach's Nek
Quthing

97.4 fm

bokamoso

Maseru
Berea
Leribe

98.2 fm

bokamoso

Mokhotlong
Thaba Tseka
Butha Buthe

www.bokamoso974.co.za

Le hopola ba ntšitsoeng

Nthabeleng Seithleko

Letona la Tekano, Bacha le Ntšetsopele ea Sechaba, Mohlomphehi Pitso Lesaoana, o re morero o moholo oa Lekala la habo ke ho fenyha tlala le bofuma ho sechaba se ntšitsoeng kahar'a sesiu sa NISSA. Litaba tsena o li boletse ha khakola morero oa lilemo tse hlano oa Pathways to Sustainable Livelihoods Projects, Met-si-Maholo, ka la 11 'Mesa monongoaha.

A re sesiu seo se loke-la ho hloekisoa e le hore manane a kahar'a sona e be a tlang ho sebelisoa ha ho etsoa mesebetsi efe kapa efe ea naha. Hape o re ba hloka ho ntlafatsa litaba tsa bosebeletsi le boipheliso ba sechaba e le hore malapa a joalo a tsebe ho phela ka ho itlhaahisetsa lijo le ho phelisa malapa ka ho qala likhoebo tse fapaneng.

Morero ona o suptjoa o na le likarolo tse 'ne eleng ea ho thusa bahloki Lesotho ka tataiso ea ho iqalla likhoebo, ho ntlafatsa bana ba nang le bokooa ka lithusa-tšehetso hore ba tsebe ho khutlela likolong le batho ba baholo ba 2500 ho iqalla mesebetsi ea boipheliso.

E mong ea seng a unne molemo kahar'a more-



ro ona, 'Manapo Khali, o bontšitse hore o bile lehlohonolo la ho fuoa chelete e kaalo ka M5, 000.00 kamor'a ho tsamaea lithupelo likhoeli tse tšeletseng. O re mosebetsi o moholo oa hae e ne e le ho rupeloa ka likolobe hobane a batla ho hlalisa nama ea kolo-

be ka bongata le ho fepela mabenkele.

A re ka tšehetso ena o rohakile tlala le ba lelapa la hae, e bile o thabile haholo hobane h'a iphumana a oetse lerabeng la litlole tsa molao ka lebaka la tlala.

'Mabakoena Ramalefane o thoholelitse morero ka

le reng o fumana a se na letho leo a iphelisang ka lona, 'me ha joale o atlehile ho ba le lijo liaparo le ho kena khoebong hobane ea leruo la likhoho tsa nama.

Mokhethoa oa Lebatooa lena Mohau Hlalele, o ipilelitse ho sechaba sa habo ho hlompheha chelete eo se

e filoeng le ho e sebelisa libakeng tse lokelang hobane seo se thusa kholong le ntlafalong ea bana ba bona le sechaba ka kakaretso. A re tšehetso e tla ha 'ngoe ka hona bohle ba e fumaneng ba lokela ho ntlafatsa boemo ba bona ba bophelo eseng ba e senye.

sotho.

Section 2 e ne e ile ea ngolla LCA e hanana le hore e fe Starlink lengolo ka le reng lengolong la Starlink la ngoliso ea khoebo le bontša e tl'o hohola liabo kaofela e sa fe Basotho letho, eleng seo Section 2 e reng se fosahetse.

Ba re leha maemo e le ana ha ba na ho khaotsa ho loanela litokelo tsa sechaba, kaha takatso ea bona e ne e le hore pele khoebo eo e abeloa lengolo la ho hoeba kahar'a naha Basotho ba be ba filoe 30% ea liabo e le hore ho tle ho be bonolo ho bona ho ba karolo ea khoebo e joalo.

Ba bontša hape hore ha khoebo e joalo e se e filoe lengolo la ho hoeba Lesotho ho se ho tlo ba boima hore Basotho e be karolo ea liabo tsa khoebo e joalo.

LCA e abela Starlink lengolo



Nthabeleng Seithleko

Setsi se laolang Likhokahanyo Lesotho (LCA)

se ntšitse phatlalatso se bontša se fane ka lengolo Kampaning ea Starlink eo mothehi oa eona eleng Elon Musk, ka la 14 'Mesa

monongoaha.

Starlink ke kampane e fanang ka litšebeliso tsa likhokahanyo tsa marang-rang lefatše ka bo-

phara. LCA e fana ka lengolo tjena e sa natse sello sa Mokhatlo oa Section 2 o loanelang tšebeliso e ntle ea molao le boiketlo ba Ba-

O ba khothaletsa ho hlahlobela mafu



Nthabeleng Seithleko

Batho ba nang le bokoa ba tobane le phephetso e kholo ea ho sitoa ho finyella Litsing tsa Bophelo haholo ba phelang ka lithabeng ka lebaka

la khaello ea litsela. Lita-ba tsena li hlalositsoe ke Lieketseng Machalotse, ho hlaha Mokhatlong Disabled HIV Organisation, ka la 15 'Mesa monongoaha. Machalotse o re leha mokhatlo oa habo o fana ka litšebeliso ho batho ba nang le bokoa, empa

o sebetsa Seterekeng sa Maseru feela ka lebaka la khaello ea lichelete kaha ba sebetsa tlasa morero oa lilemo tse peli. O re mosebetsi oo ba o etsa e le karolo ea ho fihlella litšebeliso tsa bophelo tsa batho ba nang le bokoa. A tsoelapele hore ba hlo-

kometse sekheo se sehlo sa polokeho ea lekunutu ho batho ba nang le bokoa kaha litaba tsa bona li tsejoa ke batho ka lebaka la ho se tsebe mokhoa oa puisano oa mooki le ea ileng litšebeliso. O re taba ena e etsa hore le batho ba qetelle ba tseba mafu a bona le litaba tsa bona ho sa hloka-hale e leng se etsang hore ba bang ba nyahame ha ba lokela ho ea Litsing tsa Bophelo. O re 'Muso oa Lesotho o lokela ho koala sekheo sena, ka ho bona hore Litsing tsa Bophelo ho hiroa litsebi tsa puo ea matsoho, bahlabolli ba tsebang ka batho ba nang le bokoa hore le bona ba hlomphehe sechabeng. Ho lokela ho ntlafatsoe lefapha la bacha litsing hore ho kenyeletsoe ba tsebang ho buisana le ba nang le bokoa. Lipampiri tse sebelisoang ho fetisa melaetsa e be tse ngotsoeng ka tsela le eo a nang le bokoa a ikutloang e le karolo. Leha ho le joalo, a khothaletsa bohle ba nang le bokoa ho hlahlobela mafu ohle a teng e le hore ba fuoe kalafo ka nako haholo lefuba, mofetše le tšoaetso ea HIV, ke boikarabello ba bona ho bona hore bophelo ba bona bo bolokehile ka linako tsohle.

H'a phethela o itse bao ba se ikuke ba fapakane le batho ba bang, hobane ba na le litokelo joaloka bona, ka hoo ho bohlokoa ho etsa se nepahetseng kaha ho boloka bophelo. Molula-Setulo oa Balula-Litulo tsa Komiti ea Paramente, Makhalanye Mokhothu o hlalositse hore e le komiti ba tseba litlhoko tsa sechaba mekhahlelong e fapakaneng ka hona ba ela hloko batho ba nang le bokoa ka hohle-hohle. A re kaha lekala le tšoare ka tha-ta ho bona hore litšebeliso tsa bophelo li anela bohle, le bona ba tšoare ka matla ho khothaletsa katoloso ea litšebeliso ka litsela tsohle e sa khetholleng mang kapa mang. O bontšitse hore bophelo bo botle ba sechaba ke letlotlo la naha hobane ha sechaba se phetse hantle ho bolokeha lichelete tse lefshoang litsing ho boloka bophelo hape khatello ea bakuli ea theoha. A re litabeng tsa puo ho batho ba nang le bokoa ke qholotso le mokhoa oa bona oa ho thusoa, ka hona ba tsebang puo ea matsoho ba lokela ho teng litsing ka ho fapakana molemong oa litšebeliso tsa bophelo tse anelang batho bohle.

Disrespect closes doors which sorry can't open



We are people who are guided by moral convictions where respect forms part of our humanity. Our socialisation is such that we should respect every person irre-

spective of their social status. Anything which dislodges respect evokes response of equal or more vigorous charge. When people feel disrespected their emotions are charged if they can't

use physical encounter they will resort to hatred which in turn drives people away and turn them into enemies. The brotherhood which was normal has to be restored via medium and interven-

tion. A helping hand comes hard to find. It is important to realise once we disrespect people we actually close doors which sorry can't even open, sometimes we think a simple sorry can fix

the damage inflicted by disrespect. It is wise and cheap to treat with respect than it is to fix a broken relationship, it's expensive to even try to undo the damage of disrespect.

MONTHLY

Basotho

FLEA MARKET

5

NE

Anniversary

DATE: 03RD MAY

TIME: 7AM - 5PM

FREE STALLS FOR MSMEs AND FREE ENTRY

ROADWAY AID FROM STATE LIBRARY TO LANCERS DIN TRAFFIC LIGHTS

SHOP EAT DANCE CONNECT

FOR REGISTRATION OF STALLS VISIT: BASOTHOFLEAMARKET.CO.LS

FOR MORE INFORMATION CALL: +266 824 7525 / 5762 5243 OR VISIT MEDIA OFFICES

Boikopanyo bo ntlafatsa lihoai



Nthabeleng Seitlheko

Mohokahanyi oa Setereke sa Mohale's Hoek, Charles Matlabe o re lihoai li tletse pososelo le ho rohaka tlla- la, kaha li atleha ho fepa ba malapa a tsona, kamor'a ho ikopanya li etsa mekhatlo ea temo ea meroho, likhoho le litholoana. O boletse tse- na puisanong le Koranta ka la 15 'Mesa monongoaha.

A re ba motlotlo hore ho na le karolo ea sechaba e ileng ea una molemo, morerong oa AICOV oo le kajeno lihoai li setseng li ntse li tseba ho its'oarela ka matsoho. A re maemo ana a etsahala tjena likamano tsa sechaba le Makala a 'Muso li le ntle ba sebetsa 'moho, 'me ba bone phetiso ea melaetsa e fapakaneng ho sechaba ka litaba tsa pheto- ho ea boemo ba leholimo ka mekhahlelo eohle.

'Malerato Lekhooa, Moh- lanka oa Lekala la Temo, Kanetso le Phepo e Nepa- hetseng Mohale's Hoek, o itse morero ona o ba thusitse ho arabela litaba tsa tlhahiso ea lijo. A re ba lokela ho ba le khothaletso ea mesebetsi kaha ho na le chelete e teng, ho ama kho- lo ea lihoai ka hore li ike- mele le ho thibela mangope har'a tse ling.

A phethela ka hore ba lokela ho hlophela lihoai ho tsoara temo e le mokhoa oa khoebo, e se ho lemela ho ja.

Sehoai sa Mohale's Hoek Tumisang Mahlehle o re

ba ne ba se na tlhokomelo e lekaneng sebakeng ea temo le ho lepa nako mol- emong oa tlhahiso e nepa- hetseng ea lijo, ka hoo ba filoe thupelo ea ho tseba

boloka metsi molemong oa ho hlahisa ka linako tsohle. E mong ea emetseng Mekhatlo e Ikopantseng Ha Mohlakoana o re ba ile ba hlokomela hore lefu la noha

llela ka ho sebetsa makhu- long ao ba neng ba sa tse- be hore na ba tlo a sebetsa nako e kae. O itse ba ile ba boloka chelete e kaalo M100.00 motho ka mong,

fapakaneng joaloka litlolo le tse ling.

O re ba ne ba baleha bokakachelana le ho matla- fatsa phepo e nepahetseng ea bana. A re morero o fihl- ile oa kena lieteng tsa bona ka ho ba rekela mochini o omisang mangangajane. Ha joale o re ba na le likho- ho tsa mahe, 'me ba atlehile ho hlahisa mahe kamor'a ho fumana mohoebi.

Letuka Lehana oa Ma- koabating o re se ka etsoang ho sireletsa litaba tsena ke melaoana e ka thusetsang ho sireletsa merero e ileng ea ba teng. A bontša hore ke takatso ea bona hore ho hlahlojoe mobu, e le hore ba tsebe mefuta ea matsoai a hlokoang ke ona, empa bothata ke hore ba lefa M30.00 eo tlatlhobo ea



hore na ba atlehe ho setlela joang nakong ea lipula le ho

ke ho tsamaea e le 'ngoe, ke ha ba tla ikopanya ba qa-

eaba ba bitsa mokoetlisi ho ba rupela ka lihlahisoa tse

mobu e nkang likhoeli tse tharo kapa ba lefa M300.00 ha ba hloka sephetho sa mobu se potlakileng. A khothaletsa hore ho sebeli- soe marang-rang ho hlahlo- ba mobu e le ho potlakela hore lihoai li thusehe.


Morena Jobo Letsie ho hlaha Tsatsane Seterekeng sa Quthing, o itse mosebet- si o moholo oa bona ke ho sireletsa lintlafatso tse se- bakeng seo a sebetsang ho sona, hobane ntle le eona bafani ba tla baleha sebak- eng se joalo. A re ho latela tšebeliso e ileng ea ba teng le sechaba ba bone e bapala karolo e kholo katle- hisong ea morero.





MoB KIDDS EDUTAINMENT

Puzzle MOB 93-4582



Across

- 3 Koranta e bileng teng Lesotho ho tloha ka selemo sa 1933. (8,2,7)
4 Buka ea Sesotho e ntseng e sebelisoa Likolong tse Phahameng, Lesotho. (8)
6 Thabisa lihoho. (5)
8 E 'ngoe ea likhoebo tsa khale tse hatisang libuka. (7,8,5)
11 Selemong se kapele ho se fetileng. (12)
14 Lemati (7)
16 Ke nako efe ee, ea selemo? (6)
17 Qhalaboseqha (Qhaqholla letsoe lena ho etsa lebitso la lijo tsa Basotho). (12)
18 Sebakeng sa kokelo. (9)
19 Lipere (8)
21 Selemo (6)


Down

- 1 Ba re e n'e re.... (3)
2 Ho oma nthane. (6)
3 Seretse se ka sakeng. (6)
5 Koranta ea 'muso. (7,2,7)
7 Nonyana e 'mala oa khauta bo kopane le botšo (12)
9 Letona la Thuto le Koetliso (4,6)
10 Ho bata....! (3)
12 Lintho tse aparoang kapa tsa roala ha ho hobeloa. (6)
13 Maseru, Leribe, Mokhotlong, Thaba-Tseka, Qacha's Nek, le tse ling. (8)

- 15 Sehlopha sa Naha ea Lesotho sa Papali ea Bolo. (7)
20 Ka u lotha.... (4)

SOLUTION

MOB 93-4581





TSA KEREKE

Hosanna maholimo a holimo-limo



2024-2025 SELEMO C

SONTAHA SA PASEKA



Liketso 10:34.37-43
Pesalema 117
1 Ba-Korinthe 5:6-8
Joannes 20:1-9



Khothatso

Kriste ke Morena oa bohle

Thutong ea Pele ea kajeno re fumana molaetsa ho tsoa ho Mopapa oa pele, Peterosi eo hangata re sa mo nkeng e le Mopapa empa e le eena ea fuoeng linotlolo tsa 'Muso oa Molimo. Joaloka moetapele oa Kereke ea Kriste e thehiloeng lefatšeng, Peterosi o nka sebaka sa hae 'me o bua le bohle ba neng ba le ntlong ea Cornelius. O re, "Le tseba molaetsa oa Molimo o rometseng sechabeng sa Israele, ho ruta khotso ka Jesu Kriste-Ke Morena oa bohle." Lilemo-lemo tse ngata sechaba sa Molimo se ne se emetse ho tla ha Messia ea neng a e-tla ka khotso ho boelanya motho le Molimo. Peterosi o phatlalat-sa hore nako eo e fihlile ka Kriste Jesu, hobane ka Eena Molimo Ntate o phethahalitse litšepiso tsohle tse hlahang Testamenteng ea Khale.

Boteng ba bohle o netefalitse hore eena le barutuo ba Morena ke li-paki tsa tsohle tseo Kriste a li entseng Judea le Jerusalema, ka hona tse buoeng ka Kriste ha se mafofisa ke 'nete. Barutuo ba phetseng le Jesu ba bone tsohle tseo a li entseng 'moho le tseo a li buileng. Peterosi o re Kriste o ile a thakhisoa sefapanong, a shoa empa More-na Molimo a mo tsosa ka letsatsi la boraro. Kamor'a tsoho ea hae o ile a ithahisa ho ba bangata ba khethiloeng ke Molimo, 'me bona ba hakanyetsoa ho ba 500.

Nakong eo a ithahisang ho barutuo ba hae, e ne se toro kapa pono feela, e ne e se moea oa hae hobane moea ha o je kapa ho noa. E ne e le Kriste ka sebele sa hae ea tsohileng bafung. H'a fihla ho ba-rutuo ba hae o ile a ba fa taelo ea hore ba il'o ruta batho le ho nete-fatsa hore ke Eena ea romiloeng ke Molimo ho tla ahlola ba phelang le ba shoeleng. Kriste e ne e le Messia ea phethahatsang tsohle tse hlahang Mangolong a Halalelang.

Evangeling le utloa ka moo Maria Magdalena a neng a hloka Kriste ka teng; o ile a lla h'a fumana 'mele oa hae o le sieo 'me a lumela hore ba mo utsoitse. O ne a llela lintho tse ngata haholo; lerato, ho mo latela, ho utloa mofuthu, ho utloisisoa le ho tsoarela libe. E ne e se eena feela ea neng a e-na le maikutlo ana; empa le barutuo ba bang, ke ka hona ba ileng ba etsa seo ba se entseng ha ba utloa hore Jesu h'a se le eo ka lebitleng, o tsohile le hore o ntsa ithahisa ho barutuo ba bang.

Mantsoe ana "Kriste oa phela!" kapa "Ke bone Morena!" a ne a lekane ho etsa hore meea ea barutuo, lapele Jesu. Likelello tsa bona tse fokolang li ile tsa qalella ho utloisisa joale, mantsoe ao a ile a fana ka tšepo e ncha. Tumelo ea bona ea nchafatsoa ke mantsoe ao ba ileng b'a utloa nakong eo a ntseng a e-na le bona.

Le rona ha re beha menahano ea rona ho Kriste re etsa tsa moea, le hoja re le lefatšeng lena ha re ba lona. Ka tlhatsuo ea rona re fetohile libopuo tsa Morena tse lokelang ho mamela le ho sebeletsa Morena Jesu ka khalalelo eohle. Kajeno ha u utloa mantsoe ana, "Jesu o'a phela!" o'a kopanye le ana, "Jesu ke Morena oa bohle!" Kriste ke Morena oa hau joalokaha e le Morena oa bohle, 'me u hopole nako eo moea oa hau o neng o nyoretsoe Kriste, o lakatsa hore u ka ba haufi le eena. Ebe u utloa mofuthu, thabo le khotso ea hae. Tsosolo-sa moea oa hae ho phela nako eo hape bophelo bohle ba hau.

Bahalaleli har'a Beke

- | | | |
|----|-------|--------|
| 21 | 'Mesa | Anselm |
| 22 | 'Mesa | Bicor |
| 23 | 'Mesa | Felix |
| 24 | 'Mesa | Egbert |
| 25 | 'Mesa | Mella |
| 26 | 'Mesa | Aldo |

Tšeliso Thakholi

Bakriste ba Parish ea Maria Mofumahali oa Lefatše ho hlaha ka makhalo ohle, ba ile ba khobokana Lebaleng la Swallows, Mazenod ka la 13 'Mesa monongoaha ketekelong ea Mokete o Moholo oa Sontaha sa Makala, o etellang pele nako ea ho shoa le ho tsoha ha Morena oa rona Jesu Kriste e leng Paseka.

Mokete ona o ile oa qala ka tlhohonolofatso ea makala ke mong'a Parish ea Maria Mofumahali oa Lefatše, Fr. Patrick Khoale OMI, kamorao ea e-ba

Khothatsong ea hae Fr. Khoale o itse ka lebaka la mehloho eo Kriste a ileng a etsa ba bangata ba ile ba lumela ho eena. "Re utloile beke tse ka bang peli tsena ha re atamela Sontaha sena sa makala hore boholo ba lietsahala tseo Jesu a neng a li etsa le hoja a ne a tjametsoe ke bohanyetsi ba bafarisi, litsebi tsa molao, baprista ba baholo, likhosi le baetsana ba tsona." A rialo.

O re Jesu o ile a 'na a tsoelapele ho etsa mehloho "eo bohoho ba lipalo tseo re neng re li balloa qetellong ea tsona mantsoe ke ana: joale palo ea ba lumelang ea 'na ea eketseha. Ba lumetseng ho eena ba eketseha." O re ketekelo ea Sontaha

phethahatsa seo Morena Molimo a neng a mo rometse sona lefatšeng, a ileng a amoheloa ke bongata ba batho, "joaloka lona bakriste ba Mazenod ha tliile ka bongata bo bokana. Joale ba khethula makala a lifate b'a ala fatše moo esele eo a e palameng e tlang ho feta teng. Ba hlobola liaparo tsa bona ba li ala fatše e le pontšo ea kananelo le borena, ho ba Messia le mopholosi oa lefatše." A re le rona kajeno re et-sisa ba ileng ba etsa joalo kaha re lumela hore Kriste Jesu ke Morena, ke Khosi ea Likhosi, ke Messiah le mopholosi oa rona. A qetella ka hore ke thabo ka hohle lefatšeng kaha bohle re ikhopotsa liketsahalo tsa 'nete



mokolokolo o ileng oa thatoloha ho tloha Lebaleng la Swallows ho leba kerekeng moo khubu ea mokete ona e bileng litšebeliso tse mahlonoko tsa Mahlomola a Morena oa rona Jesu Kriste le Sehlabelo se Halalelang sa 'Missa.

sa Makala ke sesupo sa kareketo ea bohle ba neng ba kholisehile hore e fela ke 'nete Kriste ke eena Khosi ea Bajudi le ho ba Messiah ea neng a tšepisitsoe hore o tla tla. A re ke ka lebaka lena itseng h'a kena Jerusalema ho ea

tse ileng tsa etsahala e seng pale feela. "Ka hona ke tšebeliso ea tumelo, eo ka eona le rona ha re kena mokolokong ona re ithabang ka mahloko ao Kriste ka ho ananela thuto ea Molimo a ileng a kena ho ona." Ke eena eo.

O phahamisa folakha ea Lesotho

Tšeliso Thakholi

Mongoli-Ka-karetso oa Mokhatlo o Tsamaisang Bolo ea Maoto Lesotho (LeFA), Monghali Mokhosi Mohapi o tla phahamisa folakha ea Naha ea Lesotho lipapaling tsa leoto la pele la Seka-Makhaolakhang a Mohope oa CAF Champions League, moo Sehlopha sa Orlando Pirates se tlang ho amohela sa Pyramids sa Naha ea Egypt Lebaleng la FNB, Johannesburg ka Sontaha sa la 20 'Mesa 2025.

Folakha ea Naha ea Lesotho e tla be e sa qale ho phahama lipapaling tsa mofuta ona kaha Monghali Mokhosi Mohapi ka boiphihlelo le litsebo tsa hae tsa papali ea bolo ea maoto, a se ile a okamela lipapali tsa maemo a holimo tsa CAF, ho keneletsa har'a tse ling tse ngata lipapali tsa Makhaola-khang a CAF Super Cup e neng e le lipakeng tsa lihlopha tse matla haholo tsa Egypt e leng Al Ahly le Zamalek, tse neng li tsoaretsoe Riyadh South Sudan.

Mohapi o tla etellapele papali ena le sehlopha sa lifisiri tse kenyeletsang Mo-



letsa-Phala ho tsoa Naheng ea Burundi, Motlatsi oa Balesa-phala ho tsoa Linaheng tsa Senegal, Benin le mohlalobi oa papali ho tsoa Benin. Ka boiphihlelo ba hae papaling ea bolo ea maoto, Naha ea Lesotho e ntse e tsoelapele ho ipabola papaling ea bolo Tikolohong e ka Boroa ea Afrika.

Ba bang ba batsamaisi ba bolo ea maoto ba bontšitse ba e-na le tšepo e tiileng ea hore o tla sebetsa hantle joaloka kamehla, 'me takatso ea bona ke ho bona kamoso Naha Lesotho e romella moifo o mongata ebile ba e-ba le mohlalobi oa papali ea bolo. Sena ba re se tla fa ba bang ba batsamaisi

ba bolo ho ithukhubetsa ka matla tšebetsong ea bona.

Ba re haele mona ba fihletse boemong bona, kamoso ba lakatsa ho 'mona a fihletse boemong ba Mohope oa Lefatše, "me h'a ntse a tšoare tjena o tla fihla." Ba rialo. Ba eketsa ka hore ba hlokometse hore nako ea hae e ngata o se a sebet-

sana le lipapali tse kantle ho naha le lithomo tseo a li fuoang ke Mokhatlo o Moholo oa Lefatše oa Bolo, oa Afrika le oa Lesotho. Ho sa le joalo ba bang ba batsamaisi ba bolo ba mo thoholelitse ka ho etsa nalane ea ho ba motsamaisi oa pele oa lipapali kahare ho naha oa ho fihla boemong boo.

Li tseka M10,000.00

Tšeliso Thakholi

Mokhethoa oa libapali tse tšeletse tsa Khubet-

soana le sehlopha sa The Elephants sa Hlotse Seterekeng sa Leribe, li tla nkhisetsana mahafi lipapaling tsa Senuka tsa mafelo a matelele a Paseka tse tšehelisoeng ke banna ba Basotho ba sebetsang

merafong ea Afrika Boroa ka chelete e kaalo ka M10,000.00, Mohope o potolohang le limentlele tsa khautat. Lipapali tsena li tli'l'o bapalloa ho e 'ngoe ea likhoebo tsa lijo le lino, Maseru ka la 20 'Mesa 2025.



Ho ea ka phala ea mokhethoa oo Monghali Tšepiso Molaoli lena ke lekhetlo la bobeli ba ba le litholisano tse tšoanang le sehlopha sa The Elephants. Molaoli o re litholisano tsa pele ba ile ba hapa chelete eo kaha ba ile ba hlola sehlopha seo, eona e ne e tsoaretsoe Hlotse ka Tšitoe ngoahola. Pele ho litholisano tsena 'mokeng o bileng Maseru mathoasong a Tihakubele monongoaha ho ne ho ile ha lumellanoa ka hore libapali tse peli tse tla ipabola li tla fuoa M1,000.00 sebakali ka seng.

A re lebaka leo ba entseng geto e joalo ke hobane libapali tse peli tse ipabotseng ka papali ea tsona e tsoileng matsoho ho hlaha sehlopheng ka seng ke tsona tse tla iphumanela moputso. Potsong ea hore na ke hobane ba entseng mokhethoa o tlang ho kopana le sehlopha sena? O itse ke hobane ba batla ho boela ba hapa chelete eo hape kaha e ile ea

ba thusa haholo nakong ea ho feta ka ho rekela sehlopha thepa e kenyeletsang Senuka le melangoana.

"Ha re entse mokhethoa tjena re entse bonnete ba hore re nkile libapali tse hloahloa haholo, tseo ka tšepo eohle li tlang ho re tlela le tlhelo." A rialo a bile a tiisa hore bokemisetso le boitokiso ke bo matla kaha ba se ba bapetse lipapali tsa setsoalle tse 'maloa ba ntse ba li hapa ka katleho e kholo. A re joaloka pele chelete eo ha ba e hapa e tli'l'o oela mokotleng oa sehlopha kaha morero ke ho bopa sehlopha se tlang ho bapala Liking e Kholo ea papali ea Senuka.

A phethela ka hore ngoahola ke sebakali se le seng feela tse ileng tsa ipabola, 'me sa kiba-kiba ka M2,000.00 ha ho ne ho lebetsoe tse peli. Ka hona tšepo ke hore monongoaha ho latela boithlopho ba lihlopha ka bobeli ba tla ipabola ba tla ba babeli.

Lebala la Setsoto le'a eketsoa

Tšeliso Thakholi

Muso oa Lesotho ka Lekala la Lipapali o khatse mokhahlelo oa pele oa khaho-bocha ea Lebala la Setsoto ka tšebetso ea tokisetso ea ho tla kenya mohloa oa maiketsetso, le hoja ho bile le tiehiso ea ho qala tšebetso kaha ngoahola ha ho etsoa likhakanyo tsa lichelete lekala le ne le sa abeloa lichelete tsa tokiso ea Lebala la Setsoto le mabala a mang kahar'a naha.

Litaba tsena Letona la Lipapali Mohlomphehi Motlatsi Machelepo o li buile 'mokeng oa bapatlalatsi ba litaba tsa lipapali, o bileng Lebaleng la Setsoto, Maseru ka la 16 'Mesa monongoaha moo a ba boleletseng hore 'muso oa habo o fihletse qeto ea ho tsoela-pele ka tšebetso ea khaho ea lebala ka mekhahlelo e 'meli. Mokhahlelo oa pele ke oa ho tla kenya mohloa oa maiketsetso, ha mokhahlelo oa bobeli e le oa tokiso ea lebala ka kakaretso.

A re lekala la habo le fuoe



boikarabello ba ho bona hore lebala le a sebetse le hoja ba nkile leeto la nako e telele la ho kopa thuso ea lichelete ho Lekala la Lichelete. A re ke ka Mphalane ngoahola ha ba abeloa chelete e kaalo ka M6,188 000, 950.98, e leng eo ba neng ba lumela hore ke eona e hlokalang bakeng sa ho

kenya mohloa oa maiketsetso. "Empa ho ile ha fumaneha hore kampani e ileng ea fuoa mosebetsi ona, e nang le tumello ea FIFA hore e ka sebetse litaba tsa mabala lefatše ka bophara, re ile ra fumana hore e tla hloka M85Million eo re ileng ra e fuoa likhakanyong tsena tse tsoa feta tsa lichelete." A ri-

alo.

A re ka lebaka la ho tla fetola boemo ba lebala e leng ho tla le aha bocha kaofela e le ho le beha boemong ba machaba ao linaha tse ling tsa lefatše li tla bona hore e fela e le lebala le amohelang, chelete eo ba e fuoeng e nyenyane haholo kaha e tla thusa ho khahlametsa

feela karolong ea pele ea ho kenngoa ha mohloa oa maiketsetso. "Empa likhakanyo tsa mapomelo tsa hore na kakaretso ea lebala e tla ba bokae li tla fanoa hang ha ba fumane mokhoa oo le tlang ho shebahala ka ona." O boletse joalo.

A re hajoale lebala lena le ne le tšela batho ba ka bang 14 000 empa ba tlii'o le eketsa le tšele 25 000. A tiisa hore kamorao hore ho fanoe ka chebahalo ea lona ho tliilo ba le likarolo tse ling tsa lebala tse tlang ho heletsoa le ho ahoa bocha kaha morero ke ho aha lebala le tlang ho hlalisa Naha ea Lesotho hantle machabeng.

A bontša hore sethathong morero e ne e le hore le tla nka lilemo tse peli, empa liphetofo li se li le teng kaha ba batla hore ka la 4 Mphalane 2026 ha Naha ea Lesotho e tla be e keteke lilemo tse 60 ee ipusa la be le felile, 'me ba ketekelela mokete ona o moholo ka ho lona. "Ka hona e tlii'o ba mosebetsi o matla o tla etsoa ka nako e khutšoanyane haholo." Ke eena eo a bile a phethela ka hore likopo tsa ba iketelang mosebetsi ona li tlii'o thakhoha bekeng e tlang.

Members e bapala ka monyetla

Tšeliso Thakholi

S ehlopha sa Bolo ea Maoto sa Members se ile sa bapala ka mokheketho oa 0-0 le Qoaling Highlanders papaling eo se neng se tlameha ho e hlola e le hore se tle se tsebe ho kena Liking ea Lihlopha tse kholo, ha selemo sena sa lipapali se fihla pheletsong.

Papali ena e bapalletsoeng habo Members, Machelekoaneng ka la 13 'Mesa monongoaha kapel'a barati le batšehetsi ba eona ba neng ba tletse lebala, e ile ea qala e le sefutho, Members e bonahala e batla ho hlaba ntlha empa ea bapala ka menyetla e mengata haholo ea ho hlaba lintlha karolong ea pele ea papali.

Empa kamor'a nako e seng kae li kene karolong ea bobeli ea papali Qoaling Highlanders e ile ea hatella Members haholo hoo ba ileng ba tlameha ho fetola sethibathibane sa bona, ba kenya se seng e le ha ba hlokometse hore metsi a tla kena katlung. Qoaling Highlanders e ne e bonahala e hlasitse habohloko karolong

ea bobeli, empa bothata bo ileng ba etsa hore e hlolehe ho hlaba ntlha ke ho tatasela ka lebaka la ho tata haholo ha ba lokela ho isa bolo ka letanteng. Papali e bile ea fela li ntse li pitikisa mahe.

Sena se ka 'na sa beha Members ka moo thakali e fatelang hobane e boemong ba pele lokong 'me e butse sekheo ka ntlha-khola e le 'ngoe feela lipakeng tsa eona le Qoaling Highland-

ers e hlahang boemong ba bobeli. Boemo ba Members hona joale ke bo sithabet-sang maikutlo hobane e tšoanela hore e hape lipapali tsa eona tse peli tse setseng. Ha e sa hloka hore e boele e bapale ka ho lekana. Empa ha e ka bapala ka ho lekana kapa ea lahlehlola ke papali Qoaling Highlanders e tlii'o hapa Liki ea A Division eba e nyolohela lihlopheng tse kholo.

Mokoetlisi oa Members

o boletse hore morero oa bona e ne e le hore Qoaling Highlanders e se ke be ea hlaba ntlha ho hang, 'me ho fetse ho bile joalo. Ka hona a thoholetsa libapali tsa hae ka ho nepa moralo oo ba neng bao raliile bakeng sa papali ena. A re ho mpileng ha hana ha nyenyane feela ke ho hlaba lintlha empa a tiisa hore ba bone hore na phoso e bile ho kae, 'me ba tla e lokisa.

Haele Wright Mofoka oa

Qoaling Highlanders eena o itse ba ithutile hore Members e ne e sa hloke ho hlaba lintlha, empa e ne e hloka feela ho bapala ka ho lekana 'me ba fetse ba entse joalo. A re o khotsofetse haholo ke tsela eo bahlankana ba bapetseng ka teng, kaha ba bapetse ka boitelo bohle empa lehlohonolo le ne le se ka ho bona. "Lipapali tsena tse setseng re tlameha ho li hapa." Ke Wright eo.



Libini e bang le mamello-Mantša

Nthabeleng Seithleko

Sebini sa 'mino oa Famo, Lephoi Mohale ea tum-meng ka lebitso la Mantša, o tla keteka lilemo tse 60 tsa tsoalo ka ho thakela libini ka maoala ao li ka a sebelisang ho holisa 'mino oa Basotho ho bochaba. O buile tsena, puisanong le Koranta ka la 11 'Mesa monongoaha.

O re sena o se etsa hobane a bile selikalikoeng sa 'mino ho tloha ka selemo sa 1987, 'me ho fihlela ha joale o se a ntšitse matlapa a 39 ka hoo sena ke sesupo sa kholo le ntlafalo ea 'mino oa hae. O re o iphumana a lokela ho tsoella bana ba Basotho malebela a ho hlokomela, ho baballa 'mino le litsebo tsa bona.



Talenta, boqapi ha se lintho tse nyenyane, li khohaholo ntlafalong ea naha, bophelong ba batho hobane ha ho boithabiso kathoko ho 'mino.

O tsoetsepele hore o rata

ho bona libini tsa Lesotho e le tse atlehileng, tse utloisang seo li leng sona, li tseba ho boloka 'mino oa tsona le ho o baballa. O re ketekelo ea lilemo tsa hae tse 60 ke boikhopotso ba

leeto la hae la bophelo 'minong ke ka hoo a lokelang ho thakela bana ba Basotho ka malebela.

'Mino oa famo o ne o sa amohelehe empa o re o ile a leka ka hohle ho bona hore

o'a amoheleha, le hoja na-kong eo a neng a le bohar-eng ba leeto a ile a kopana le liqholotso tse ngata Seterekeng sa Mafeteng.

A re libini li tobane le bothata ba batho ba reki-sang 'mino oa bona ka bobolu, ho boetse hape ho na le lintoa le likhohlano. O re ho bohlokoa hore libini tse ntseng li thuthuha li be le mamello hobane ha se feela boithapollo empa ke boipheliso.

Mantša o re leetong la hae ke bonyane matlapa a fetang 10 a jeloeng ke likhoebo li ithekisetsa, ho fihlela atleha ho ipulela hae eo a ithekisetsang 'mino, empa a tobana le phepetso ea batho ba ileng ba ithekisetsa 'mino ka bolotsana e bile e le oa lefofo.

Mantša o tla keteka letsatsi la hae ka tsoalo ka la 3 Motšeanong monongoaha.

ELEGANCE COUTURE

www.moeletsiabasotho.co.ls

fabric that speaks






PHYSICAL ADDRESS: TRADORETTE BUILDING ROOM B22

FACEBOOK AS ELEGANCE COUTURE

WHATSAPP: +266 58524642

INSTAGRAM AS ELEGANCE COUTURE